

ք.Երևան, Արշակունյաց 5. 417 սենյակ

30.08.2018թ. ժամը 15.00

Համաձայն, ԳԱԲ «Էլեկտրոմաշ» ՍՊԸ-ի տնօրեն Լուսինե Աղլամազյանի, «ՍԳ-ԿԿ» ԻԿԿ-ում՝ 12.07.2018թ-ին և 14.07.2018թ-ին ստացված դիմումները, ԳԱԲ «Էլեկտրոմաշ» ՍՊԸ-ի սնանկության գործով կառավարիչ՝ Սարգիս Միրաքյանի գործողությունների /անգործության/ փաստի նկատմամբ, վերահսկողության գործառույթի պատշաճ իրականացման նպատակով, կառավարչի վարքագծի վերաբերյալ, կարգապահական վարույթ հարուցելու և դիմումում նշված փաստական հանգամանքների քննության համար՝ ս/թ-ի Օգոստոսի 30 -ին ժամը 15.00-ին՝ 10.08.2018թ-ի հետաձգված «ՍԳ-ԿԿ» ԻԿԿ Կարգապահական հանձնաժողովի նիստին.

ԾԱՆՈՑՎԱԾ ԷԻՆ՝

Հանձնաժողովի անդամ՝ Հենրիկ Մարտիկյանը
Հանձնաժողովի անդամ՝ Արմենակ Աղամյանը
Հանձնաժողովի անդամ՝ Հարություն Գևորգյանը
Հանձնաժողովի անդամ՝ Ռուբեն Խալաթյանը
Գլխավոր ԳԱԲ «Էլեկտրոմաշ» ՍՊԸ-ի տնօրեն՝ Լուսինե Աղլամազյանը
ԳԱԲ «Էլեկտրոմաշ» ՍՊԸ-ի սնանկության գործով կառավարիչ՝ Սարգիս Միրաքյանը

ՄԱՍՆԱԿՑԵՑԻՆ՝

Հանձնաժողովի Նախագահ՝ Տիգրան Հարությունյանը
Հանձնաժողովի անդամ՝ Արմենակ Աղամյանը
Հանձնաժողովի անդամ՝ Հարություն Գևորգյանը
Հանձնաժողովի անդամ՝ Ռուբեն Խալաթյանը
ԳԱԲ «Էլեկտրոմաշ» ՍՊԸ-ի սնանկության գործով կառավարիչ՝ Սարգիս Միրաքյանը
Գլխավոր ԳԱԲ «Էլեկտրոմաշ» ՍՊԸ-ի տնօրեն՝ Լուսինե Աղլամազյանը:

ՕՐԱԿԱՐԳՈՒՄ

«ՍԳ-ԿԿ» ԻԿԿ-ում՝ 12.07.2018թ-ին և 14.07.2018թ-ին ստացված, ԳԱԲ «Էլեկտրոմաշ» ՍՊԸ-ի տնօրեն Լուսինե Աղլամազյանի դիմումների հետագա ընթացքը ապահովելու նպատակով, ԳԱԲ «Էլեկտրոմաշ» ՍՊԸ-ի սնանկության գործով կառավարիչ՝ Սարգիս Միրաքյանի գործողությունների/անգործության/ փաստերի նկատմամբ, վերահսկողության գործառույթի պատշաճ իրականացման, դիմումներում նշված փաստական հանգամանքների քննության և սնանկության գործով կառավարիչների վարքագծի վերաբերյալ, կարգապահական վարույթ հարուցելու հարցը:

ԼՍԵՑԻՆ – Կարգապահական Հանձնաժողովի նախագահ Տիգրան Հարությունյանը բացեց նիստը, ստուգեց կարգապահական վարույթի կողմերի և հանձնաժողովի անդամների ներկայությունը, այնուհետև հակիրճ ներկայացրեց բողոքի բովանդակությունը: «Կարգապահական հանձնաժողովի գործունեության և սնանկության գործով կառավարչի նկատմամբ կարգապահական վարույթի իրականացման» կարգի 4.6-րդ կետի համաձայն ձայնի իրավունք տրվեց ԳԱԲ «Էլեկտրոմաշ» ՍՊԸ-ի տնօրեն Լուսինե Աղլամազյանին, ով իր դիմումը համառոտ ներկայացրեց և ասաց, որ ավելացնելու ոչինչ չունի:

ԼՍԵՑԻՆ – Կարգապահական Հանձնաժողովի անդամ Ա.Աղամյանը առաջարկեց, որպեսզի ըստ հերթականության առանձնացվեն դիմում բարձացված պահանջները՝ առանձին անդրարարարձ կատարելու և քննարկելու համար: Կարգապահական հանձնաժողովի անդամները

համաձայնեցին Ա.Աղամյանի արտահայտած կարծիքին և որոշեցին դիմումատուի պահանջների հերթականությունը, որոնք պետք է քննարկվեն:

ԼՍԵՅԻՆ – Կարգապահական Հանձնաժողովի նախագահ Տիգրան Հարությունյանը

առանձնացրեց բարձրացված հարցերը,այն էր՝

1.Ներկայացված հայտի չքննարկումը

2.Գնորդի հետ տարաժամկետված վճարման պայմանագրի կնքումը,երբ այդ պայմանը հրապարակայնորեն չի հայտարարվել:

3.Գնորդի կողմից վճարումը օրենքով սահմանված ժամկետից ուշ կատարելու պայմաններում,աճուրդը չկայացած չհայտարարելը:

4.Աճուրդը դատական կարգով բողոքարկելու փաստի առկայության պայմաններում բաշխման ծրագրի ներկայացման փաստը:

Հանձնաժողովի նախագահին առանձնացված հարցերի վերաբերյալ «Կարգապահական հանձնաժողովի գործունեության և սնանկության գործով կառավարչի նկատմամբ կարգապահական վարույթի իրականացման» կարգի 4.6-րդ կետի համաձայն ձայնի իրավունք տվեց ԳԱԲ «Էլեկտրոնաշ» ՍՊԸ-ի սնանկության գործով կառավարիչ՝Սարգիս Միրաքյանի, ով նշեց, որ գույքագրումը կատարել է«Սնանկության մասին» ՀՀ օրենքի 56-րդ հոդվածի պահանջների համապատասխան, որ կազմվել է գույքագրման ակտ, որը ստորագրվել է պարտապանի կողմից: Աճուրդը ևս կազմակերպվել է «Սնանկության մասին»ՀՀ օրենքի 76-րդ հոդվածին համապատասխան և «Հրապարակային սակարկությունների մասին» ՀՀ օրենքի 5-րդ, 8-րդ, 17-րդ և 18-րդ հոդվածներին սահմանձ կարգով:Աճուրդը նույնպես կազմակերպել է օրենքով սահմանված ժամկետներում՝այդ թվում վերջին աճուրդի հայտարարված ժամկետի փաստի վերաբերյալ նույնպես՝08.05.25018թ-ին նախապես ծանուցելով պարտապանին/Ծանուցումը և ուղարկման անդորագիրը ներկայացվում է/ և պարտատերերին: 31.05.2018թ-ին կայացված աճուրդի հիման վրա կազմվել է արձանագրություն, որտեղ նշել է, որ 30.05.2018թ-ին ներկայացված 2 հայտերից մեկը դատարանի կողմից իրեն է տրամադրվել հայտի ընդունման ժամ ` 16:45 նշումով: Սահմանված ժամկետից ուժ հայտը դատարան է ներկայացրել Անահիտ Բաղայանը: Աճուրդի հայտարարության մեջ նշված է եղել, որ ցանկացողները հայտ կարող են ներկայացնել աճուրդի անկացմանը նախորդող 5 օրվա ընթացքում՝ ընդհուպ մինչև աճուրդին նախորդող օրվա ժամը 16:00-ն: Հայտի ներկայացման ժամկետի խախտման մասին վկայում են նաև հայտատուի կողմից ներկայացրած աճուրդի մասնակցության վճարի և աճուրդ նախավճարի անդորրագրերը, որոնցում գումարի ընդունումը կատարվել է 30.05.2018թ. 16:31 և 16:33 ժամերին: Աճուրդի մասին նույնիսկ հեռախոսազանգ են ունեցել պարտապանի հետ և նորից տեղեկացրել, որ անհրաժեշտ է, որպեսզի մուծի նախապես աճուրդի նախավճարը: «Հրապարակային սակարկությունների մասին» ՀՀ օրենքի 10-րդ հոդվածում սահմանվում է, որ աճուրդի մասնակցելուն ցանություն ունեցող անձինք, աճուրդի ծանուցման մեջ սահմանված չափով, ժամկետներում և կարգով, մուծում են նախավճար, որի չափը չի կարող գերազանցել աճուրդում վաճառվող ամենաբարձր մեկնարկային գին ունեցող լուծի գնի մինչև հինգ տոկոսը: Հետևաբար հոդվածից բխում է, որ աճուրդին մասնակցություն ունենալու համար պետք է սահմանված ժամկետներում վճարվի նախավճարը, որը կատարվել է ժամկետների խախտումներով, հետևաբար աճուրդի մասնակցության հայտը չէր կարող ընդունվել,որի մասին ինչպես նշվեց 31.05.2018թ-ին կազմվել է արձանագրություն և տրամադրվել է հայտատուին/Արձանագրությունը,հայտը և վճարման անդորագիրը ներկայացվեց հանձնաժողովին/:Կառավարիչը նշեց նաև որ հայտատուն դիմել է նախավճարը ետ ստանալու համար և կառավարչի կողմից նախավճարները վերադարձվել են հայտը ներակայացնողին/:

Սնանկության գործով կառավարիչը տարաժամկետման վերաբերյալ հայտնեց,որ վճարման տարաժամկետման հարց չի եղել և չի քննարկվել,ըստ էության կատարվել է հետևյալը՝

31.05.2018թ-ին կազմվել է «Աճուրդի արդյունքների մասին» թիվ 1 արձանագրությունը,որտեղ գնման գնի վճարման ժամկետը սահմանվել է պայմանագրով նշված ժամկետում:04.06.2018թ-ին գնորդի կողմից ներկայացվել է գրավոր դիմում և խնդրել է գնման գնի /միանվագ/վճարման վերջնաժամկետ սահմանել 40 օր,քանի որ գումարը բավականին մեծ է:05.06.2018թ-ին

բողոքաբերի նշած «Սակարկությունների մասին» ՀՀ օրենքի 18-րդ հոդվածի հիմքով կնքվել է պայմանագիր, սահմանելով գնման գնի ամբողջ գումարի՝ 49 777 635 ՀՀ դրամ, վճարման համար 40 օրյա ժամկետ: Գնորդի կողմից վերը նշված սահմանված պայմանների կատարումից հետո 17.07.2018թ-ին կնքվել է «Անշարժ գույքի աճուրդով առուվաճառքի պայմանագիր»-որի 2.2 կետում արձանագրվել է, որ գնորդի կողմից վճարումները կատարված են ամբողջությամբ՝ 52 397 511 ՀՀ դրամի չափով, սույն գործարքը իրականացվել է նոտարական կարգով և ստուգվել է նոտարի կողմից թե օրինականությունը, թե վճարումների փաստերը/ կառավարչի կողմից հանձնաժողովին ներկայացվեցին՝ արձանագրությունը, դիմումը և պայմանագրերը/:

Բաշխման ծրագրի ներկայացման վերաբերյալ կառավարիչը հայտնեց, որ «Սնանկության մասին» ՀՀ օրենքի 80-րդ հոդված հիմքով իր կողմից, գույքի առուվաճառքի պայմանագրի կնքումից հետո, կազմվել է դրամական միջոցների բաշխման ծրագիր և սահմանված կարգով ծանուցելով պարտապանի և պարտատերերին՝ 10.07.2018թ-ին փոստային ծառայության միջոցով դեպոզիտացվել է դատարանում /ուղարկվել է դատարան, ծանուցումները և անդորագրերը ներկայացվում են/, 12.07.2018թ-ին պարտապանից նույնպես փոստային ծառայության միջոցով ստացվել է աճուրդը անվավեր ճանաչելու մասին հայցադիմումի օրինակը, այսինքն բաշխման ծրագիրը արդեն դատարանում էր, երբ ինքը ստացել է հայցադիմումը, որը դեռ վարույթ վերցված չէր և ինքը չէր կարող դրա մասին իմանալ, երբ կատարում էր իր օրենքով սահմանված պարտականությունները:

ԼՍԵՑԻՆ – Կարգապահական Հանձնաժողովի անդամ Ռ. Խալաթյանը ձայնի իրավունք խնդրելով, հարցրեց դիմումատուին, թե արդյոք գույքագրմանը մասնակցել է և գույքագրման ակտը ստորագրել է, որի վերաբերյալ դիմումատուն դրական պատասխան տվեց: Հանձնաժողովի անդամ Ռ. Խալաթյանը մատնանշեց «Սնանկության մասին» ՀՀ օրենքի 56-րդ հոդվածի 3-րդ մասը, որի համաձայն գույքագրման արդյունքները ամփոփվում են գույքագրման ակտում, որը ստորագրում են կառավարիչը և գույքագրմանը մասնակցած պարտապանի ներկայացուցիչը: Պարտապանի ներկայացուցչի ստորագրությունը վկայում է, որ նա ներկա է եղել գույքագրմանը և երաշխավորում է, որ պարտապանին պատկանող ամբողջ գույքը գույքագրվել է: Գույքագրման արդյունքների հետ համաձայն չլինելու դեպքում պարտապանի ներկայացուցիչն ստորագրում է գույքագրման ակտը՝ կցելով դրան իր գրավոր առարկությունը: Հարց է առաջանում, եթե դիմումատուն ներկա է գտնվել գույքագրմանը, ստորագրել գույքագրման ակտը, ինչու չի նշել որ գույքն է իր անձնականը և որն է պատկանում կազմակերպությանը: Ըստ էության դիմումատուն իր համաձայնությունն է տվել գույքագրման ակտին և որևէ առարկություն չի ներկայացրել:

ԼՍԵՑԻՆ – Կարգապահական Հանձնաժողովի անդամ Ռ. Խալաթյանը ձայնի իրավունք խնդրելով, դիմումատուի կողմից առաջադրված այն հարցին, թե ինչու 10 օրյա ժամկետում չի կնքվել առուվաճառքի պայմանագիր, առաջարկեց դիմումատուին ծանոթանալ «Հրապարակային սակարկությունների մասին» ՀՀ օրենքի 18-րդ հոդվածի առաջին մասին, որի համաձայն՝ «Աճուրդի մասին հրապարակային ծանուցմամբ, *աճուրդի արդյունքների մասին արձանագրությամբ կամ պայմանագրով այլ ժամկետ սահմանված չլինելու դեպքում* աճուրդում հաղթող ճանաչված մասնակիցն աճուրդի արդյունքների մասին արձանագրությունն ստորագրելու օրվանից տասն օրվա ընթացքում պարտավոր է վճարել լուտի գինը՝ հաշվանցելով մուծված նախավճարի գումարը»: Իսկ տվյալ պարագայում, գնորդի և կառավարիչի կողմից ստորագրվել է պայմանագիր, որտեղ սահմանվել է ամբողջական գումարի վճարման այլ ժամկետ, այն է՝ քառասուն օր:

ԼՍԵՑԻՆ – Կարգապահական Հանձնաժողովի նախագահ Տիգրան Հարությունյանը առաջարկեց անդրադառնալ նաև դիմումատուի կողմից ՍԳԿԿ ԻԿԿ բերված երկրորդ բողոքին, որում նշվում է, որ չնայած իր կողմից աճուրդն անվավեր ճանաչելու հայցադիմում է ներկայացվել դատարան, ԳԱԲ «Էլեկտրոնաշ» ՍՊԸ-ի սնանկության գործով կառավարիչ՝ Սարգիս Միրաթյանը դատարան ներկայացրել է միջանկյալ բաշխման ծրագիր: Տիգրան Հարությունյանը ներկայացրեց «Սնանկության մասին» ՀՀ օրենքի 80-րդ հոդվածի առաջին մասը, որի համաձայն՝ «Պարտապանի գույքի վաճառքից/օտարումից/ ստացված/փոխհատուցված/ միջոցները բաշխվում են սույն օրենքով սահմանված հերթականությամբ՝ կառավարչի կողմից հաստատված և պարտատերերի կողմից ընդունված միջանկյալ ծրագրին համապատասխան »: Հովածում որևէ նշում չկա այն մասին, որ աճուրդը անվավեր ճանաչելու հայցադիմում ներկայացվելու դեպքում, միջանկյալ միջոցների բաշխում չի կարող կատարվել:

ԼՍԵՑԻՆ – Կարգապահական Հանձնաժողովի նախագահ՝ Տիգրան Հարությունյանը, առաջնորդվելով «Սնանկության մասին», «Հրապարակային սակարկությունների մասին» ՀՀ օրենքների, «Կարգապահական հանձնաժողովի գործունեության և սնանկության գործով

կառավարչի նկատմամբ կարգապահական վարույթի իրականացման» կարգի պահանջներով, հաշվի առնելով նիստի ընթացքում կատարված պարզաբանումները, մասնավորապես, որ կառավարչի գործողությունները կատարվել են «Սնանկության մասին» ՀՀ օրենքի 56-րդ, 75-րդ, 76-րդ հոդվածներին համապատասխան և պահպանվել են «Հրապարակային սակարկությունների մասին» ՀՀ օրենքի պահանջները, առաջարկեց կարճել ԳԱԲ «Էլեկտրոմաշ» ՍՊԸ-ի սնանկության գործով կառավարիչ՝ Սարգիս Միրաքյանի նկատմամբ հարուցված կարգապահական վարույթը:

ՔՎԵԱՐԿՈՒԹՅՈՒՆ՝

Կողմ - 4

Դեմ - 0

Ձեռնպահ - 0

ԵԶՐԱԿԱՑՈՒԹՅՈՒՆ՝

1. ԳԱԲ «Էլեկտրոմաշ» ՍՊԸ-ի սնանկության գործով կառավարիչ՝ Սարգիս Միրաքյանի նկատմամբ, ԳԱԲ «Էլեկտրոմաշ» ՍՊԸ-ի տնօրեն Լ.Աղլամազյանից «ՍԳԿԿ» ԻԿԿ-ում 12.07.2018թ-ին ստացված դիմում-բողոքի հիմքով՝ ԳԱԲ «Էլեկտրոմաշ» ՍՊԸ-ի սնանկության գործով կառավարիչ՝ Սարգիս Միրաքյանի գործողությունների /անգործության/ օրենքին և կանոնակարգերին համապատասխանության նկատմամբ հարուցված կարգապահական վարույթը կարող է կարճվել «Սնանկության գործով կառավարիչների մասնագիտական վարքագծի էթիկայի» կանոնների խախտման դեպքի /մեղքի/ բացակայության պատճառաբանությամբ:

վարքագծի վերաբերյալ հարուցված կարգապահական վարույթը կարճել:

2. Սույն եզրակացությունը սահմանված ժամկետում ներկայացնել Դիտորդ Խորհրդին՝ հետագա որոշում կայացնելու նկատառումով:

Հանձնաժողովի Նախագահ՝ Տ.Հարությունյան



Հանձնաժողովի անդամ՝ Ա.Ադամյան



Հանձնաժողովի անդամ՝ Ռ.Խալաթյան



Հանձնաժողովի անդամ՝ Հ.Գևորգյան

